

VIJEĆE MLADIH BOSANSKA KRUPA

Adresa: Patriotske lige 21, Bosanska Krupa 77240

ID broj: 4263882790008

Ž.R. Raiffeisen Bank: 1610000285660064

Mobitel: +387 62 555 792

E-mail: bosanskakrupa@vijecemladih.ba

**COUNCIL OF YOUTH BOSANSKA KRUPA**

Address: Patriotske lige 21, Bosanska Krupa 77240

ID number: 4263882790008

Bank account: Raiffeisen Bank: 1610000285660064

Mobile: +387 62 555 792

E-mail: bosanskakrupa@vijecemladih.ba

Vijeće mladih Bosanska Krupa na osnovu Statuta, član 4. i član 5. raspisuje:

JAVNI POZIV
za literarno-likovno takmičenje na temu "Bosanska Krupa kroz zimske vizije"

I Predmet javnog poziva

Predmet javnog poziva je učešće osnovnoškolaca i srednjoškolaca, kao dvije zasebne kategorije, s područja Grada Bosanska Krupa u literarno-likovnom takmičenju na temu "Bosanska Krupa kroz zimske vizije".

II Cilj javnog poziva

Cilj ovog javnog poziva je potaknuti kreativnost, umjetničko izražavanje i pisane vještine mladih osnovnoškolaca i srednjoškolaca s područja Grada Bosanska Krupa, te promovirati njihov talent kroz literarne i likovne radove na temu "Bosanska Krupa kroz zimske vizije".

III Pravo učešća

Pravo učešća na ovom javnom pozivu imaju učenici osnovnih i srednjih škola s područja Grada Bosanska Krupa, koji žele iskazati svoju kreativnost kroz literarne ili likovne radove.

IV Kriteriji javnog poziva

Kriteriji za literarne radove:

- 1) Radovi moraju biti originalni i ne smiju biti ranije objavljeni ili slani na druga takmičenja.
- 2) Literarni radovi trebaju biti do jedne stranice teksta A4 formata (Times New Roman, veličina 12)
- 3) Svaki učenik može učestvovati s jednim radom.
- 4) Tema rada treba biti jasno povezana s temom takmičenja.

Kriteriji za likovne radove:

- 1) Radovi moraju biti originalni i autorski. Kopiranje ili precrtavanje radova nije dozvoljeno.
- 2) Likovni radovi trebaju biti izrađeni na hamer papiru ili drugom čvrstom papiru formata A3.
- 3) Tehnika izrade rada je po izboru učesnika (npr. akvarel, tempera, flomasteri, olovka, pastel, itd.).
- 4) Svaki učenik može učestvovati s jednim radom.
- 5) Rad treba biti potpisan na poleđini (ime i prezime učenika, razred, naziv škole).

V Prijava na javni poziv

- 1) Prijavni obrazac (koji je priložen i dostupan u sklopu javnog poziva).
- 2) Literarni rad (ako se učestvuje u literarnoj kategoriji), kucan na A4 formatu prema navedenim uslovima.
- 3) Likovni rad (ako se učestvuje u likovnoj kategoriji), urađen na A3 hamer papiru (ili ekvivalentnom papiru sa sličnim svojstvima) prema navedenim uslovima.
- 4) Potpisani radovi (u slučaju likovnih radova, potpisivanje radova na poleđini sa informacijama o učeniku: ime, prezime, razred, naziv škole).

VI Način izbora najboljih radova

Najbolji radovi u obe kategorije će biti izabrani na osnovu kriterija definisanih u ovom javnom pozivu. U literarnoj i likovnoj kategoriji, radovi će biti ocijenjeni od strane stručnog žirija koji će procijeniti originalnost, kvalitet same ideje, tehničku izvedbu radova i poruke koje rad nosi. Žiri će odabrati najbolja djela u obje kategorije, koja će biti nagrađena i predstavljena na manifestaciji „Mladi kroz 365 dana“.

- 1) Literarni radovi će biti ocijenjeni na osnovu kvaliteta sadržaja, jasnoće i povezanosti s temom, kao i stila pisanja.
- 2) Likovni radovi će biti ocijenjeni prema tehničkoj izvedbi, originalnosti, kao i interpretaciji teme kroz likovni izraz.

Učenici koji ispune sve uslove ovog javnog poziva i čiji radovi budu izabrani od strane žirija bit će obaviješteni o daljim koracima i nagradama.

VII Proglašenje pobjednika

Rang lista učesnika biće objavljena nakon što stručni žiri završi ocjenu svih pristiglih radova. Na rang listi će se naći imena učenika najboljih radova u literarnoj i likovnoj kategoriji, posebno za osnovnoškolce i posebno za srednjoškolce, koji će biti nagrađeni i pozvani na izložbu. Rang lista će biti objavljena na zvaničnoj Facebook stranici Vijeća mladih Bosanska Krupa, kao i putem društvenih mreža i oglasnih ploča.

VIII Dostavljanje prijava na javni poziv

Prijave na ovaj javni poziv za literarno i likovno takmičenje dostavljaju se uz prijavni obrazac koji je priložen i dostupan u sklopu javnog poziva, koji je potrebno popuniti i potpisati, uz prateću dokumentaciju odnosno literarni ili likovni rad.

Dostavljanje prijava na javni poziv vrši se lično ili preporučenom poštom na adresu:

**Vijeće mladih Bosanska Krupa
Patriotske lige 21
77240 Bosanska Krupa
Bosna i Hercegovina**

u zatvorenim kovertama, pri čemu koverta mora odgovarati veličini rada (A4 format za literarne radove i A3 format za likovne radove), bez savijanja radova, sa naznakom: „Prijava na konkurs: Bosanska Krupa kroz zimske vizije – NE OTVARAJ“

Prijave se primaju u periodu od 6. do 16. decembra 2024. godine.

Napomena: Nepotpune, neuredne i neblagovremene prijave neće biti razmatrane.

Dodatne informacije u vezi sa prijavama mogu se dobiti putem e-maila: bosanskakrupa@vijecemladih.ba.

Predsjednik
Vijeća mladih Bosanska Krupa

/Ismet Bešić/

Broj:

Bosanska Krupa, 6. 12. 2024. godine